



U G O V O R

o pružanju usluga osiguranja motornih vozila od autoodgovornosti i KASKO osiguranja vozila

Ugovorne strane:

KJKP "Sarajevogas" d.o.o. Sarajevo

Ul. Trg Fadile Odžaković Žute br. 4, Sarajevo

Koga zastupa: v.d. direktor Preduzeća, Samir Pajević, dipl.ing.maš.

(u daljem tekstu: Osiguranik)

i

EUROHERC OSIGURANJE d.d. – Podružnica Sarajevo

Ul. Trg međunarodnog prijateljstva br. 20

Koga zastupa: direktor podružnice, Almad Redžić

(u daljem tekstu: Osiguravatelj)

Član 1.

Predmet ovog ugovora je pružanje usluga obaveznog i kasko osiguranja motornih vozila Osiguranika, prema tenderu broj TD-05-02/20, i uslovima iz ponude broj 208331094 od 28.02.2020. godine koja je, u obliku ANEKSA III - Obrasca za cijenu ponude, sastavni dio ovoga ugovora.

Član 2.

Ugovorna vrijednost za obavezno i kasko osiguranje motornih vozila Osiguranika iznosi ukupno 23.273,59 KM (slovima: dvadesettrihiljadedvjestotinesedamdesettri i 59/100 KM). Premije za svako vozilo su navedene u obrascu za cijenu ponude koji je sastavni dio ovoga ugovora. Sva nova vozila koja se eventualno nabave u vrijeme važenja ovoga ugovora će se osiguravati pod istim uslovima kao i vozila iz obrasca za cijenu ponude, i to sa uračunatim bonusom ukoliko Ugovorni organ bude imao objavljenih vozila čiji se bonus može prenijeti na novonabavljena vozila. Ukoliko Ugovorni organ ne bude imao takvih (objavljenih) vozila, onda će se novonabavljena vozila osiguravati bez uračunatog bonusa.

Član 3.

Osiguranik će Osiguravatelju putem e-maila blagovremeno dostavljati skeniran spisak vozila kojima osiguranje ističe u narednom mjesecu, a po potrebi i kopije saobraćajnih dozvola, a Osiguravatelj će Osiguraniku dostaviti police osiguranja od automobilske odgovornosti na iznos ugovorene premije za sva vozila sa dostavljenog spiska u roku od 1 (jednog) dana.

Osiguranik je u zakonskom roku dužan pojedinačno za svaku izdatu policu osiguranja od automobilske odgovornosti uplatiti iznos naznačen na polici na transakcijski račun Osiguravatelja naznačen na fakturi.

Ukupna premija kasko osiguranja vozila će se fakturisati jednim računom za sva motorna vozila u kojem će biti naznačen registarski broj vozila i iznos ugovorenih premija kasko osiguranja. Osiguranik je dužan fakturisane premije osiguranja platiti u roku do 15 dana, računajući od datuma prijema fakture.

Član 4.

Prava i obaveze Osiguranika i Osiguravatelja po ovom ugovoru su detaljno regulisane Opštim uslovima za osiguranje od autoodgovornosti i Uslovima za kasko osiguranje motornih vozila dostavljenim uz ponudu.



Član 5.

Ovaj ugovor se zaključuje na period od 1 (jedne) godine. Ukoliko Osiguranik ili Osiguravatelj ne budu izvršavali obaveze iz člana 3., 4., 5. i 6. svaka ugovorna strana ima pravo, uz prethodno pismeno upozorenje, raskinuti ugovor i zahtijevati naknadu štete koja je time prouzrokovana.

Član 6.

Osiguravatelj i Osiguranik se neće smatrati odgovornima za zakašnjenje u ispunjenju obaveza prema ovom Ugovoru, neposredno ili posredno, ako je zakašnjenje uslijedilo usljed više sile. Pod višom silom se podrazumijevaju slučajevi koji se mogu pojaviti poslije stupanja ugovora na snagu, a koji nisu pod kontrolom ni jedne ugovorne strane, niti se objektivno mogu predvidjeti, a sprječavaju jednu ili obje ugovorne strane u ispunjavanju njihovih ugovornih obaveza.

Član 7.

Ugovorne strane su saglasne da Osiguravatelj neće zapošljavati, odnosno angažovati fizička i pravna lica koja su učestvovala u pripremi tenderske dokumentacije ili bili angažovani kao članovi ili stručna lica u Komisiji za nabavke. Ograničenja u smetnji iz stava 1. ovog člana traju 6 (šest) mjeseci od dana zaključivanja ugovora.

Član 8.

Na odnose ugovornih strana koji nisu regulisani ovim ugovorom primjenjivat će se odgovarajuće odredbe Zakona o obligacionim odnosima.


Član 9.

Ovaj Ugovor stupa na snagu danom potpisivanja od strane obje ugovorene strane, a sačinjen je u 5 (pet) istovjetnih primjeraka, od kojih Osiguranik zadržava 3 (tri) primjerka, a Osiguravatelj zadržava 2 (dva) primjerka.

Član 10.

Sve nesporazume do kojih dođe u realizaciji ovog Ugovora, a koji se ne mogu riješiti u duhu dobrih poslovnih odnosa, rješavat će nadležni sud u Sarajevu.


Za Osiguravatelja


Direktor podružnice, Almad Redžić

Broj i datum ugovora, 20833/1488
01.04.2020g.

Za Osiguranika

v.d. Direktor Preduzeća:


Samir Pajević, dipl.ing.maš.


Izvršni direktor

Alisa Konaković, dipl.iur.

Broj i datum ugovora, 77/20

31-03-2020